



孫子集成

郭化若題

謝祥皓

劉申寧

輯

齊魯書社

爲本書的編纂工作提供支持與幫助的單位

主要有：

山東省惠民縣人民政府

山東社會科學院儒學所、歷史所、圖書館

曲阜師範大學孔子研究所

中國人民解放軍軍事科學院

上海圖書館

山東省圖書館

上海辭書出版社圖書館

復旦大學圖書館

四川省圖書館

重慶圖書館

湖北省圖書館

兵鏡下



兵鏡備考目錄 卷六

虛實篇

致人而不致於人

能使敵自至者利之也

使敵不得至者害之也

佚能勞之

飽能饑之

安能動之

攻必取者攻其所不守

守必固者守其所不攻

善攻者敵不知其所守

善守者敵不知其所攻

微乎微乎至於無形

神乎神乎至於無聲

致人而不致於人

上海圖書館藏

魏伐趙。趙請救於齊。田忌欲引兵之趙。孫臏曰。夫解
襍亂紛紀者。不控捲。救鬪者。不搏擻。批吭擣虛。形格
勢禁。則自爲解矣。今梁趙相攻。輕兵銳卒。必竭於外。
君不若引兵疾走大梁。據其街路。衝其方虛。彼必釋
趙而自救。是我一舉而解趙之圍。以收敵於魏也。田
忌從之。魏去邯鄲。與齊戰於桂陵。大破梁軍。

吳楚反。周亞夫使輕騎兵弓高侯等。絕吳楚糧道。吳
兵乏糧。欲挑戰。終不出。軍中夜驚。內相攻。擾至太尉。

帳下。太尉堅臥不起。頃之復定。後吳奔壁東南陬。太尉使備西北。已而其精兵果奔西北。不得入。吳兵飢遁。亞夫出兵追之。大破吳。

漢耿弇征張步。步將費邑遣其弟敢守巨里。弇乃嚴令軍中修攻具。宣勅諸部。後三日悉力攻巨里。陰緩降者歸邑。告以攻期。邑果自將精兵三萬人來救。弇謂諸將曰。吾所以修攻具者。誘致邑耳。卽分三千人守巨里。自引精兵上岡坂。乘高合戰。大破之。斬邑。漢班超發于寘諸國兵二萬五千人。復擊莎車而龜

茲王遣左將軍發溫宿姑墨尉頭合五萬人救之。超
召將校及于寘王議曰。今兵少不敵。其計莫若東西
散。可須夜聞鼓聲發。乃陰緩所得生鹵走告龜茲王。
王大喜。自以萬騎於西界邀超。溫宿王將八千騎於
東界邀于寘。超知二鹵已出。密召諸部勒兵。雞鳴馳
赴莎車營。鹵大驚亂奔走。追斬五千餘級。莎車降。龜
茲亦遁。

漢時鮮卑犯塞。段熲率所領馳赴之。旣而恐賊驚去。
乃使驛騎詐齎璽書召熲。熲於道僞退。潛於還路設

伏鹵以爲信然。乃入追頰頰。因縱兵悉斬獲之。

魏司馬懿征公孫文懿。文懿堅壁阻遼隧。懿傷遼水。作長圍。棄賊而向襄平。諸將惑之。懿曰。賊高壘以老我師。我直指襄平。賊懼而求戰。志所謂賊雖高壘。不得不與我戰者。攻其所必救也。遂整陣而過。賊見兵出其後。果邀之。懿因縱兵大戰。三戰皆捷。

梁王彥章擊破德勝。圍唐軍於楊劉。莊宗問郭崇韜。計將安出。崇韜曰。彥章圍我於此。其志在鄆州也。臣請兵數千。據河下流。築壘於必爭之地。以應鄆州。爲

名彥章必來爭。旣分其兵。可以圖也。陛下日以精兵挑戰。使彼不得東。十日壘成矣。崇韜晝夜督工。果六日而壘成。彥章引兵來爭。時方暑。章兵熱多歿。及攻壘不克。還趨楊劉。莊宗迎擊。遂敗之。

宋權京西南路副總管李忠反。攻金州諸關。賊衆皆河朔人。驍果善戰。王彥與之戰。不利。關陷。彥退屯秦郊。令將士盡伏山谷間。焚秦郊積聚。偽若遁者。秦郊距郡城二十里。路坦夷。彥募敢死士。易麾幟。設奇以待。聞再宿。賊至秦郊。官軍逆戰。大敗之。追襲至秦嶺。

遂復乾祐縣以歸。忠走降劉豫。

明燕師南寇。時遼東守將楊文率兵圍永平。略薊州。遵化諸郡縣。燕王遣劉江禦之。戒曰。爾至永平。文必遁。回山海勿追之。第聲言還北平。設伏以待其來。追始擊之。如其策。果敗文於昌黎。

明天順時也。先擁上皇逼京師。見我兵盛而嚴不敢犯。以數騎來嘗我于謙。設伏於空屋。使數騎以誘之。敵以萬騎來薄。伏發大敗其衆。

明藩宸濠反。王守仁遣謀四出投檄。言各省兵大集。

若會合狀。又密致濠腹心。李士實。劉養正等。約爲內應。濠疑不敢直趨南京。留攻安慶。未下。守仁議所向。諸將勸邀之於江中。守仁曰。急攻南昌。巢穴破。則賊解體矣。濠聞南昌破。撤安慶圍。還救之。公迎戰於樵舍。縱火奮擊。濠敗被擒。

明王守仁。旣破桶岡。剗頭賊首池仲容。尤悍黠。聞桶岡潰。乃懼。守仁遣賜賊牛酒。見賊嚴爲備。詭使者曰。龍川新民盧珂。鄭志高。欲仇殺掩襲。故設備。守仁佯怒。盧珂等令廉二人擅兵狀。且令仲容除道。俟事平。

還兵討之。而仲容辭以自爲防禦。毋敢勞兵。會盧珂
二人來訴仲容反狀。公佯怒其誣。械之獄。云俟拘其
屬并斬之。乃陰寓意令自安。公班師回贛。則張樂饗
士。令民休息爲樂。陽散兵歸農。示不復用。遣仲容弟
仲安歸。仲容意大安。乃別購賊所親說仲容。宐往謝
軍門。以息盧珂之言。仲容至。公令諸官屬以次設牛
酒犒宴。無虛日。其實則羈縻之也。度盧珂兵及各路
兵將集。洌頭乃設犒於庭。伏甲士。俟仲容入。悉擒之。
出珂等狀。訊伏斬之。

明巨寇王直。數爲海患。胡宗憲謀致而擒之。遣辯士
蔣洲說直曰。胡公推心置腹。任人不疑。拔足下母妻
於獄中。館穀甚厚。公何不乘機立功自贖。保全妻母。
轉禍爲福。直竊喜。有渡海之志。令其黨葉宗滿。王汝
賢。毛烈。同陳可願。至寧波。詰之。皆曰。宣諭未至時。徐
海已擁薩摩洲口入寇矣。今王直歸順。先遣吾儕効
力。已而海果寇嘉興諸郡甚急。憲果謀之毛烈。以觀
其去就。烈請自往招直。然其意實速直之來。以共圖
利也。宗憲故縱之。留王汝賢等在軍門。撫摩若親子。

時時對將吏曰。直非反賊。顧崛強不一見我何也。直聞之。謂宗憲誠朴可欺。欲乘機以全親屬。且未知海。歿。謀渡海。以爲縱不如所料。亦可與之相援。得志而去。遂決策入款。猶先遣毛烈等。率銳卒千餘。泊岑港。據形勢。而宗憲與其所親。連牀臥。佯露諸將請戰書。於几。烈等驚。漏之於直。直始疑之。偵知四面兵甚盛。終無脫計。且聞海已敗沒。因歎曰。晉漢高謝羽鴻門。王者不歿。胡公柰我何。因請毛烈統部兵而自入見。宗憲遣烈往。直桀然諸軍門。遂執之。斬於市。

偶樵氏曰。致人之術多端。孫臏走梁。耿弇攻巨里。司馬懿向襄平。王守仁克南昌。皆用進法。周亞夫壁昌邑。班超散東西。郭崇韜築河壘。王彥焚秦郊。劉江還北平。皆用退法。進退固有不同。而其致人者則一矣。

孫子集成

上金匱要略

卷二

二